



DEMOKRAATIT  
DEMOKRATERNE

FM 2017/110  
Randi Vestergaard Evaldsen

**Angallatit nunatsinni talittarfinnut talinnerini avalattussanngornerinilu ilanngaaserisut misissuisarnerat pillugu nukittorsaasoqassappat pisariaqartitsineq, periarfissat piunasaqaatillu pillugit Naalakkersuisut nalunaarusioqquullugit kingusinnerpaamik UPA2018-imi saqqummiussassamik peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Inatsisartut Karl-Kristian Kruse, Siumut)  
(Siullermeernera)

Qularutissaanngilaq aanngajaarniutunik sualummik ikiaroonartumik hashimik atuinerup atonerluinerullu unitsinneqarnissaasa immikkut suliniarfiginissaat pisariaqartoq.

Ikiaroonartup haship ilaqutariit sequmittarpai aamma meeqqat arsaarinnissutigineqartarput. Ikiaroonartoq hashi pissutaalluni inuup ilorlikkut pissusaa allanngorluinnartarpoq aamma aningaasarpasuit atortarpagut atonerluisut katsorsarneqarnerannut.

Tamanna tunngavigalugu Atassutip Demokraatillu isumaqatigiissutigaaq iliuuseqartariaqartugut. Ilangaaserisoqarnerup nukittorsarnissaa suliniutaasinnaavoq pitsaasoq, tunngaviusumilli isumaqarpugut inuiaqatigiinni ajornartorsiuterujussuup haship qaangernissaanut nakkutilliineq naammangitsoq. Pissuseq allanngortittariaqarpoq. Ikiaroonartoq hashi inerteqqutaavoq - allamik naamik.

Nunami maani ilanngaaserisoq ataaseq ukiumut 1 million koruunit missaani akeqartarpoq. Imaasinnaavoq iluaqutaalluartut puigussanngilarpulli ilanngaaserisoqarnerup kisimi ikiaroonartumik hashimik ajornartorsiuteqarneq tammartissinnaanngimmagu.

Aamma qiviartariaqarparput qanoq iliorluta pinaveersaartitsisinnaanerluta. Paasisariaqarparput sooq inuit ikiaroonartumik hashimik atuilersarnerut? Ilikkartariaqarpagut katsorsaanerit pitsaanerpaat? Aamma pikkorinnerulertariaqarpugut ikiaroonartumik hashimik tuniniaasartut eqquussuisartullu tigusarisarnissaannut pineqaatissittarnissaannullu.

Ajoraluarmik maannakkut inoqarpoq anngiortumik eqquussuineramik ikiaroonartumillu hashimik tuniniaanermik akissarsiuteqarluartunik. Ilangaaserisoqarnerup nukittorsarnera aaqqiissutissanut ilaalluarsinnaavoq - aamma tamakkiisumik ilaannakoortumilluunniit ammaassineq aaqqiissutissanut ilaasinnaavoq. Kingulleq eqqarsaatigalugu nunani allani ammaassisimasuni misilittakkat



DEMOKRAATIT  
DEMOKRATERNE

isumassarsiorfigineqarluarsinnaapput.

Kisianni qanorluunniit pisoqassagaluarpat pingaaruteqarpoq nassuiaasiarineqartussami periarfissat tamarmik ilanngunneqarnissaat ilanngaaserisut kisiisa isiginagit.

Taamatut oqaaseqarluta siunnersuut suliareqqitassanngorlugu Aningaasaqarnermut Akileraartarnermullu Ataatsimiititaliamut innersuupparput.